

# CONCLVSIONE S<sup>17</sup> METAPHYSICAE. QVÆSTIO PRINCIPALIS.

Vtrum Serenissimi Portugalie Regis IOANNIS IV. amplissimam Maiestatem possit  
capere, aut definire series Predicamentorum?

Vt capiat, sedes non satis vna Ioui est.

Præside P.M. Petro Peyxoto Societatis IESV

Tuebitur Carolus de Loyola ex eadem Societate

Integradie Martij.



## PRIMA CONCLVSIÖ. De Ante predicamentis.

Vtrum accidens supernaturale sit simpliciter nobilior substantia naturali, etiam reali, nec ne? Elige:



NS in communi diuiditur adæquatè, non tamen vniuersè in diuinum, & creatum. Essentia entis creati antequam existat, non est aliquid actuale; est tamen aliquid possibile posituum: constituitur formaliter in esse posituo actuali per existentiam: hæc nihil aliud est, quam ipsa entis actualitas ab eo solùm virtualiter distincta. Vnde neque diuinitus potest aliqua natura existere per existentiam alienam, creatam, vel increatam. Quæri solet, Vtrum creature dependeant essentialiter ab Omnipotenti diuina? Affirmamus. Ens supernaturale secundu conceptum absolutum est illud, quod est ordinis diuini, seu eiusdem ordinis cum Deo; secundum suum conceptum respectuum illud, quod est supra debitum, ac exigentiam naturæ. Rogabis, quid sit supernaturalitas in entibus supernaturalibus? Respondeo non esse denominationem aliquam extrinsecam: nec negationem: aut relationem: sed esse gradum entis posituum in essentia cu iusque entis supernaturalis formaliter inclusum.

## SECVNDA CONCLVSIО. De Substantia.

*Vtrum ratio suppositi consistat in ipsa substantia completa connotante negationem unionis ad aliud? Sit Problema.*



**V B S T A N T I A** est ens per se existens: neque naturaliter, neque etiam diuina virtute potest inhærere: nec anima rationalis educi de potestate materiæ. Oppositum tamen est probabile. Christus Dominus per se in prædicamento substantie locum obicit; Deus autem minime; neque etiam reducitur: vtrum in eo ponatur saltem per communicationem idiomatum? Non repugnabo. Impossibilis est etiam de potentia Dei absoluta substantia creata cōpleta supernaturalis; essentialiter relativa; infinita in aliquo certo genere, vel specie; intellectua non volitua; vel ē contra. Idem dictum volumus de substantia omnis compositionis accidentalis incapaci; nec non de substantia, quæ connaturaliter creare valeat. Non tamen repugnat, quod Deus eleuet creaturam ut instrumentum ad creandum. Rogabis, vtrum Deus sit substantia supernaturalis? Affirmantibus suffragamur.

## TERTIA CONCLVSIО. De Subsistencia.

*Vtrum natura, quæ virtualiter distingueretur à sua subsistencia, possit assumere hypostaticè? Esto index.*



**V B S I S T E N T I A** est ultimus terminus naturæ substantialis; non producitur ab externo agente, sed ab ipsa natura. Omnia entia creata substantialia, tam completa, quam incompleta ( vnam si excipias productionem ipsius subsistentie, itemq; formalem vniōem ad illam,) peculiares habent subsistentias. Natura potest diuinus existere sine omni subsistencia: hæc non est principium agendi. Subsistencia totius compositi physici componitur physicè ex partibus essentialiter diversis, quarum una cum materia, altera cum forma identificatur. Dubitabis, vtrum hæc partiales subsistentiae vniāntur per proprias, & peculiares vniōes? Placent qui affirmant. Humanitas Christi Domini per subsistētiā Verbi cumulatissimè satiatur. Quæres, vtrum sit possibilis natura virtualiter distincta à sua subsistencia? Pro affirmantibus iudicium damus.

## QVARTA CONCLVSIО. De Effectu formalis subsistencia.

*Vtrum subsistencia creata possit diuinus terminare naturam alienam creatam? Disputetur.*



**E F F E C T U S** formalis primarius subsistentie est terminare naturam; secundarius vero est reddere illam incommunicabilem alteri in ratione suppositi. Omnis natura sive rationalis, sive irrationalis retentâ, aut sublata propria subsistencia, vel ab una, vel simul à pluribus subsistentijs diuinis potest diuinus assumi. Subsistencia creata etiam dato quod sit realitas non potest terminare naturam diuinā. Vtrum accidens posse assumere hypostaticè ab aliqua Persona diuina? Respondeo negative. Potest tamen una pars physica assumere hypostaticè, alia relata: secus dicendum de partibus metaphysicis. Dubitari solet, vtrum concreta substantialia à natura deducta præter naturam dicant etiam de formalis subsistētiā, an hanc de connotato solū ad significent? Est anceps pugna; pro sententia tamen, quæ tunc vtrumq; dici de formalis nobis decertandum est. Ad multiplicationem concretorū sufficit multiplicatio partis, quæ principalius exprimitur.

## QVINTA CONCLVSIО. De Quantitate.

*Vtrum Continuum constet solis indiuisibilibus? Esto Aedipus.*



**A N T I T A T E M** componi ex partibus proportionalibus in infinitum diuisibili bus docent communiter Philosophi: cum quibus bene sentimus de indiuisibilibus, tam copulatiis, quam terminatiis: quæ inter se, & à partibus realiter distinguuntur. Formalis ratio quantitatis in aptitudinali extensione per ordinem ad locum re plendum constituitur. Illius species sunt Linea, Superficies, & Corpus. Solū diuinis possunt penetrari duo corpora. Ut fiat penetratio nihil posituum debet tolli à quantitate, sed tantum negatio quadam actualis penetrationis; in qua actualis impenetratio formaliter consistit, & non in Vt in circumscriptione; licet hoc tanquam conditio, ut detur penetratio, requiratur. Actio, qua sit penetratio, est in entitate naturalis, & solū quoad modum supernaturalis. Supposito quod quantitas cōponatur ex solis indiuisibilibus, ijsq; finitis ( quod uti probabile defendunt aliqui ) virtualē diuisibilitate illis concedimus, quantitatēmq; ipsam adhuc corpoream esse propugnabimus.

## SEXTA CONCVSIO. De Qualitate, & Relatione.

Vtrum Gratia sanctificans pertineat ad primam, vel ad tertiam Speciem Qualitatis? Arbitrare.



VALITAS est ens per se primò ordinatum ad perficiendam substantiam in es-  
fendo, vel operando. Illius distributionē in quatuor vulgares Species approbamus.  
Ad primam Speciem spectant habitus naturales, & supernaturales. Intensio quali-  
tatis fit per solam additionem gradus ad gradum eiusdem rationis, & in eadem par-  
te subiecti. Defacto datur potentia purè activa, & potentia mixta de genere quali-  
tatis. Impossibilis est potentia neutra positiva; potentia violenta, aut purè passiva, quæ sit qualitas.  
Ad hæc, potentia obedientialis non pertinet ad qualitatem. Admittimus relationes reales, quæ  
virtualiter distinguuntur à suo fundamento remoto: quarum essentia consistit in eo, quod sint per  
ordinem ad aliud, ut ad purum terminum. Quælibet relatio creata dicit perfectionem, terminaturq;  
ad absolutum. Vna relatio prædicamentalis nequè diuinitus potest referri per aliam. Dubium  
est, vtrum relatum transcendens possit fundare relationem prædicamentalem? Annuo.

## SEPTIMA CONCLVSIO. De Actione, & Passione.

Vtrum circa eundem terminum possint versari actiones specie diversæ? Ventiletur.



CTIO specificatur per terminum materialiter suniptum, & simul per principium  
spectatum formaliter. Sumpta in specie non respicit certum principium in specie;  
sumpta vero in individuo respicit hoc numero principium in individuo. Cum ter-  
mino efficit vnum per se, illius compositionem, vel individabilitate sequens. A prin-  
cipio realiter, à termino modaliter distinguitur. Inter agens, & effectum requiritur  
distinctio ex natura rei; non tamen inter agens, & passum eiusdem effectus. Idem numero effectus  
potest diuinitus dependere à duplice efficiente totali. Eadem res, ut causa sui inadreq̄uata, & instru-  
mental is potest se diuinitus reproducere, nō tamen primò producere. Solum naturaliter repugnat,  
quod aliquid operetur in remotum, quin prius agat in propinquum. Passio virtualiter, verū es-  
sentialiter distinguitur ab Actione: est causalitas materiæ infieri, & in facto esse. Vtrum Passio per  
diuinam potentiam possit creari? Respondeo negatiue.

## OCTAVA CONCLVSIO. De quatuor ultimis Prædicamentis.

An detur modus Vbi distinctus, per quem res formaliter sit in loco? Optionem facimus.



B I (supposito quod sit modus distinctus à re vbi) solet definiri est forma in-  
trinsicā, qua res formaliter est in loco. Adæquatè diuiditur in Definituum, & Cir-  
cumscriptuum: adde, tanquam in species subalternas. Vtrumque specificatur &  
per subiectū, & simul per spatiū, cui correspondet. Angeli constituuntur in spatio  
diuisibili per Vbi formaliter individuabile. Dubitabis, Vtrum aliqua creatura possit vbi-  
cari per Vbi diuinū? Negādo satisfacimus. Eadē entitas potest diuinitus vbiari simul in eodē, vel in  
diuersis locis per plura Vbi definitiua, aut circūscriptiua. Actus cognoscēdi, & appetēdi, qui in uno  
loco sūt, nō sequuntur necessariò rem in alio constitutā. Idē de alteratione, & reliquis mutationibus  
statuimus. Nequè Situs ab Vbi; neque Duratio ab existentia plusquam virtualiter distinguuntur.  
Creatura permanens potuit esse ab aeterno; non verò successiva. Formalis ratio prædicamenti Habi-  
tus est denominatio logica proueniens à corpore circumiacente.

## NONA CONCLVSIO. De Habitibus, & Libertate.

Vtrum sola potentia intellectiva, & volitiva sit capax habituum? Esto Arbiter.



ABITVS naturales ab actibus effectiū producuntur; per habitus contrarios  
formaliter; & effectiū per actus corrumpuntur. Habitū supernaturales infundun-  
tur à Deo, qui etiam habitus indifferentes, non autem vitij, aut erroris infundere  
potest. Libertas duplex est; altera radicalis formalis, altera: omnis, ac solus intellectus  
radicaliter est liber; omnis, ac sola voluntas formaliter libera est. Ex duobus medijs  
potest volūtas eligere & quale, vel minus bonū. Potest dari in volūtate creata pura actus suspensio;  
nō tamē potest dari in diuina. Prae motio, seu qualitas physica prædeterminans causas secūdas in  
operā nullatenus admitti debet. Concursus, qui ex parte Dei præparatur ad libertatē, debet esse  
multiplex, & conditionatus. Deus potest necessitate voluntatem per eundem concursum, quo cum  
illa ad actum liberum concurrit.

CONIMBRICÆ. Pace Superiorū. Apud Didacū Gomez de Lourciro. M.DC.XL.



Советский Союз - Атлантический океан